

高宗

竹居致慶

全唐文
卷十四之十五



欽定全唐文卷十四目錄

高宗

四
建明堂勅
獎顏揚庭進父師古匡謬正俗勅
停勅僧道犯罪同俗法推勘勅
檢閱新譯經論勅
賜薛仁貴手勅
命有司議沙門等致拜君親勅
與劉仁軌劉仁願勅

建明堂勅

獎顏揚庭進父師古匡謬正俗勅


停勅僧道犯罪同俗法推勘勅

檢閱新譯經論勅

賜薛仁貴手勅

命有司議沙門等致拜君親勅

與劉仁軌劉仁願勅



賜京城父老勅

禁帷帽勅

誅秦懷恪勅

褒皇太子上所注後漢書手勅

令舉猛士勅

父在爲母喪宜依古禮勅

冊代王宏爲皇太子文

冊張允恭鄴州都督文

冊許王孝秦州都督文

冊趙王福青州刺史文

冊唐臨吏部尚書文

冊鄧王元裕襄州刺史文

冊虢王鳳宋州刺史文

冊紀王慎澤州刺史文

冊段寶元越州都督文

冊喬師望涼州刺史文

冊閻立本工部尚書文

冊李寬太子詹事文

冊杞王上金鄜州刺史文

冊曹王明梁州都督文

冊郇王素節申州刺史文

冊潞王賢爲揚州都督仍徙封沛王文

冊贈渤海王文

冊劉伯英左監門衛大將軍文

冊許敬宗太子太師文

冊隴西郡王博又特進司宗卿文

冊曹王明虢州刺史文

冊冀王輪文

冊紀王慎邢州刺史文

冊曹王明豫州刺史文

冊趙王福梁州都督文

冊諡孝敬皇帝文

冊周王顯左衛大將軍文

冊張延師鎮軍大將軍文

無名氏前錄文

無名氏後錄文

無名氏前錄文

無名氏後錄文

無名氏前錄文

無名氏後錄文

無名氏前錄文

欽定全唐文卷十四

高宗四

建明堂勅

朕聞上元幽贊處崇高而不言皇王提象代神功而理物
是知五精改 愆爰應帝者之尊九室垂文用紀配天之業
且合宮靈符 創宏規於上代太室總章標茂範於中葉雖
質文殊制奢儉異時然其立天中作人極布政施教歸之
一揆朕嗣膺下武丕承上烈思所以答眷上靈聿遵孝享
而法宮曠禮明堂寢構今國家四表無虞人和歲稔作範

垂訓今也其時宜令所司與禮官學士等考覈故事詳議得失務依典禮造立明堂庶曠代闕文獲申於茲日因心展敬永垂於後昆其明堂制度令諸曹尚書及左右丞侍郎太常國子監祕書官宏文館學士同共詳議

獎顏易庭進父師古匡謬正俗勅

顏師古業綜書本譽高詞苑討論經史多所匡正前件書發明故事諒爲博洽宜令所司錄一本付祕書閣仍賜其子符璽郎揚庭絹五十匹

停勅僧道犯罪同俗法推勘勅

道教清虛釋典微妙庶物藉其津梁三界之所遵仰比爲
法末人澆多違制律且權依俗法以伸懲戒莫在止惡勸
善非是以人輕法但出家人等俱有條制更別推科恐爲
勞擾前令道士女道士僧尼有犯依俗法者宜停必有違
犯宜依條

檢閱新譯經論勅

大慈恩寺僧元奘所翻經論旣新翻譯文義須精宜令太
子太_子尚書左僕射燕國公于志寧中書令兼檢校吏部
尚書南陽縣開國男來濟禮部尚書高陽縣開國男許敬

宗守黃門侍郎兼檢校太子左庶子汾陰縣開國男薛元超守中書侍郎兼檢校右庶子廣平縣開國男李義府中書侍郎杜正倫等時爲看閱有不穩便處即隨事潤色若須學士任量遣三兩人

賜薛仁貴手勅

金山大陣兇黨實繁卿身先士卒奮不顧命左衝右擊所向無前諸軍賈勇致斯尅捷宜善建功業全此令名也

命有司議沙門等致拜君親勅

勅旨君親之義在三之訓爲重愛敬之道凡百之行攸先

然釋老二門雖理絕常境恭孝之躅事叶儒津遂於尊極之地不行拜跪之禮因循日久迄乎茲辰宋朝暫革此風少選還遵舊貫朕稟天經以揚孝資地義而宣禮獎以名教被茲真俗而瀨鄉之基克成天構連河之化付以國王裁制之由諒歸斯矣今欲令道士女冠僧尼於君皇后及皇太子其父母所致拜或恐爽其恒情宜付有司詳議奏聞

與劉仁軌劉仁願勅

平壤軍迴一城不可獨固宜就拔新羅共其屯守若金法

敏藉卿等留鎮宜且停彼若其不須即宜泛海還也

賜京城父老勅

朕雖居九重之內常以萬姓為心而誠不動天遂使陰陽
錯謬自從去歲關中旱儉禾稼不收多有乏絕百姓不足
責在朕躬每自思此深以為媿今雒口倉廩且復充實更
為轉運於是艱辛理有便宜所以行也故召卿等為宴別
耳

禁帷帽勅

百官家口咸預士流至於衢路之間豈可全無障蔽婦人

比來多著帷帽遂棄羃離曾不乘車別坐檐子遞相倣效
浸成風俗過爲輕率深失禮容前者已令漸改如聞猶未
止息又命婦朝謁或將馳駕車旣入禁門有虧肅敬此並
乖於儀式理須禁斷自今已後勿使更然

誅秦懷恪勅

王者統天理物莫不先安百姓百姓安者止在庶僚朕所
以每精簡岳牧及諸州上佐自非至誠清白景行循良者
不輒畀此職庶其各申智效以裨政道秦懷恪法司抵罪
但合處流朕以刑政之典須越常憲豈不知哀敬折獄情

恤哀矜但以殺止惡義在懲肅又以刑人於市與衆棄之
故對公等加其顯戮但法者國之權衡時之準繩也權衡
所以定輕重準繩所以定曲直也罪惡難容者雖小必刑
情狀可原者雖大必宥此乃彝典非故濫誅公等諸人當
識朕意足爲殷鑒各宜勉之

褒皇太子所注後漢書手勅

皇太子賢自頃監國留心政要撫字之風旣盡於哀矜刑
網所施務存於審察加以聽覽餘暇專精墳典往聖遺編
咸窺壺奧先王策府備討菁華好善載彰作貞斯在國家

之寄深副所懷可賜物五百段

令舉猛士勅

朕君臨宇宙司牧黎元普天之下罔不率服蕞爾吐蕃僻
居遐裔吐渾是其隣國遂乃奪其土宇往者暫遣偏裨欲
復渾王故地義存拯救事匪稱兵輒肆昏迷潛相掩襲既
無備預頗喪師徒因此鴟張每思狼顧除凶伐叛王者所
急前歲將發六軍問其罪戾復以小寇無勞大舉按甲息
兵庶其改過不思惠愛更起回邪敢縱狂惑專爲寇盜或
改團鎮戍或驅抄羊馬烽燧頻舉煙塵不息候隙乘閒倏

來忽往比止令鎮遏未能即事翦除莫懷寬大之恩遂長
包藏之計禍盈惡稔當自覆滅今欲分命將帥窮其巢穴
剋清荒服必寄英奇但秦雍之部俗稱勁勇汾晉之壤人
擅驍雄宜令關內河東諸州廣求猛士在京者令中書門
下於廟堂選試外州委使人與州縣相知揀練有膂力雄
果弓馬灼然者咸宜甄採即以猛士爲名

類齊謂父在爲母喪宜依古禮勅

惟周公制禮當歷代不刊況子夏爲傳乃孔門所受格條
之內有父在爲母齊縗三年此有爲而爲非尊嚴之義與

其改作不如師古諸服紀宜一依喪服文

冊代王宏爲皇太子文

維永徽七年歲次景辰正月景寅朔六日辛未於戲夫明
兩載象道貫三才元良表德業隆千古是以夏啟作貳光
闡高猷姬誦升儲發揮王道詳求典冊式瞻七鬯固本垂
統允歸正緒惟爾代王宏猗蘭毓祉喬桂凝華岐嶷表於
天姿符瑞彰於神授器業英遠風鑒昭朗踐嘉義而總深
仁捨幼志而標成德爰資玉裕早振金聲朕虔奉靈圖肅
膺丕業仰惟七廟之重思隆萬葉之慶疇咨列辟欽若前

修是用命爾爲皇太子往欽哉爾其祇奉憲章率由軌度
盡謙恭於齒胄審方俗於迎郊春禮冬詩趨庭匪懈三善
六德勗志無愆絕驕奢之心納忠良之訓播徽猷於外宇
申敬奉於中闈允睦周親務殷堯族永隆四術式寧萬類
無怠無荒固保我宗基可不慎歟

冊張允恭鄴州都督文

維顯慶元年歲次景辰十二月辛卯朔八日戊戌皇帝若
曰夫安邊訓俗有國之先猷簡賢任能爲政之常典惟爾
蘭州都督安陸縣開國公張允恭器宇詳正識用邁遠夙

著勤誠早延恩遇今方違負羌戎荐居降節監撫綏懷攸
屬是用命爾爲使持節都督鄯蘭河儒廓淳等州諸軍事
鄯州刺史封如故爾其鎮靜幽荒式清姦宄憺威稜以肅
遠明賞罰以垂信乃無怠庶政率由舊章光膺寵命可不
慎歟

冊許王孝秦州都督文

維顯慶元年歲次景辰十二月辛卯朔二十九日己未皇
帝若曰於戲先王創業垂統分玉展親所以作固鴻業克
隆景祚惟爾并州都督兼同州刺史上柱國許王孝性履

明裕神志清遠資孝敬以立身體溫恭以成性舊許是宅
藩屏之寄以深全晉剖符維城之任愈切秦隴形要跨躡
羌戎撫寧夷夏親賢攸屬是用命爾爲使持節都護秦成
武渭四州諸軍事秦州都督勲官封如故爾其祗承典訓
審慎刑獄懷遠以德招攜以禮無邇宵人無怠庶政對揚
休命可不慎歟

冊趙王福青州刺史文

維顯慶二年歲次丁巳正月庚申朔二十一日庚辰皇帝
若曰於戲夫姬周創制任隆方伯炎漢垂範寄重維城所

以任固邦基以藩王室惟爾右衛大將軍使持節鄜州諸
軍事鄜州刺史趙王福識度夷雅器業沈秀建鳥旗以作
牧錫虹珪以命祚蘭錡上將旣屬宗英海岱剖符允鍾懿
感是用命爾爲使持節青州刺史其人將軍及封並如故
爾其愛人理物慎獄恤刑率由王道以康庶績祇服寵命
可不慎歟

冊唐臨吏部尚書文

維顯慶二年歲次丁巳十月丁亥朔十九日乙巳皇帝若
曰昔虞舜分司元凱膺機揆之任當塗受命崔盧處銓綜

之重故能翊宣景化協贊時雍惟爾度支尚書唐臨器識
沈敏操履貞潔譽滿周行效彰官次益損機務爰著循聲
藻鑑流品是資清識是用命爾爲吏部尚書爾其懸衡處
物虛心待士求賢審官循名責實祇承朝寵可不慎歟

冊鄧王元裕襄州刺史文

維顯慶三年歲次戊午正月甲申朔二十八日辛亥皇帝
若曰於戲自九州命職百部分官闕懿德以宣風固親支
而總務歷觀前載罔踰斯道壽州刺史上柱國鄧王元裕
志業純深基宇崇奧標情文雅之地植操忠賢之軌壽春

作牧風教有成襄陽按部仁明允屬是用命爾爲使持節
襄州諸軍事襄州刺史王及勲官如故往欽哉其勉思政
本式康氓俗沔漢舊邦控帶爲重變其輕剽之黨旌其冠
冕之望孤惇者咸恤正直者必親威惠並宣刑禮兼闡光
膺典冊可不慎歟

冊號王鳳宋州刺史文

維顯慶三年歲次戊午正月甲申朔二十九日壬子皇帝
若曰於戲永固鴻基義屬於藩衛載孚王化職隆於制舉
歷選前修茲道無替豫州刺史上柱國號王鳳襟神秀發

理識淹遠夙標懿範早茂清徽寬恕以表其情恭遜以成
其美荆河之地已洽於仁聲梁宋之郊佇聞於善政是用
命王爲使持節宋州諸軍事宋州刺史王及勲官並如故
往欽哉其克膺顯命式遵彝典崇孝義以訓下踐忠貞而
奉上布廉平之化垂惠愛之風居敬而行簡恤隱而求瘼
惟良丕寄可不慎歟

冊紀王慎澤州刺史文

維顯慶三年歲次戊午正月甲申朔三十日癸丑皇帝若
曰於戲柝壤分珪寄隆於宗子罷侯置守任切於惟良自

古明王率由茲典左衛大將軍徐州刺史上柱國紀王慎
稟慶璇源分華紫極崇詩書而軌物敦教義而明道入典
鉤陳恭肅表於清禁出膺刺舉寬簡洽於名藩高平形勝
太行重阻地邇王畿親賢是屬是用命王爲使持節澤州
諸軍事澤州刺史王及大將軍勲官如故朕聞之諸侯之
孝在上不驕善人爲邦期月而可往欽哉其祗膺顯命率
循典禮慎刑罰而教學校尊五美而屏四惡造次於仁夙
夜無怠勉追風於往哲以垂裕於後昆可不慎歟

冊段寶元越州都督文

維顯慶三年歲次戊午七月辛巳朔十九日己亥皇帝若
曰於戲夫成俗康邦寄深於岳牧宣風闡化任重於循良
惟爾銀青光祿大夫行洛州長史段寶元體量凝整理懷
貞贍總務仙臺能官著於綱紀分司棘署令德表於平反
三川之野允敷聲績九江之地爰資鎮撫是用命爾爲使
持節都督越台括婺泉建六州諸軍事越州刺史爾其勤
加恤隱勉思爲政審之以刑獄馭之以公平革剽悍之風
歸淳質之軌欽茲寵命可不慎歟

維顯慶三年歲次戊午十月庚辰朔十一日庚寅皇帝若
曰於戲夫恤隱求瘼義裕於循良撫衆懷邊允資於才幹
惟爾正議大夫守涼州都督駙馬都尉喬師望風情敏濟
志略明遠夙承榮寵早預驅馳仗節秋方功勤克展分符
朔野政科伊肅玉門遠控金城遐阻人兼北狄地雜西戎
刺舉爲難式遏斯重是用命爾爲使持節八州諸軍事涼
州刺史駙馬都尉如故往欽哉祗膺典冊勉修爾令德思
效爾忠規垂清白之風布廣平之化絕姦宄於亭障徵訟
獄於閭里嗣其和氣之美革彼貪頑之化光我王度可不

慎歟

冊閣立本工部尚書文

維顯慶四年歲次己未三月戊寅朔十七日甲午皇帝若
曰職管納官任參機事上非德而不受下非才而不處咨
爾將作大匠上護軍閣立本識局周敏理懷通悟體忠勤
而表性資仁恕以立身而思協多能藝兼衆美委質運始
策名朝列智効先於課職聲猷布於律紀爰緝水土之官
實諧搢紳之論是用命爾爲兼工部尚書勲官如故往欽
哉其敬承休命獻善之規攸屬持平之務斯在闕恭惟允

可不慎歟

冊李寬太子詹事文

維顯慶四年歲次己未三月戊寅朔二十五日壬寅皇帝
若曰於戲弼諧儲副必俟才英總務宮端允資忠量故漢
朝選德受禮峻於竇卿晉代光闕升崇歸於謝闕咨爾金
紫光祿大夫懷州刺史上原縣開國侯李寬識局沈謹理
懷詳正勤誠表於內外智効張於文武聲猷載闡齒秩兼
優博望斷裁之規與能僉屬承華彈肅之寄任賢在斯是
用命爾爲太子詹事封如故往欽哉其祗膺茂典勉修乃

職景前哲之高縱垂後昆之令譽對揚休寵可不慎歟

冊杞王上金鄜州刺史文

維顯慶四年歲次己未七月景子朔四日己卯皇帝若曰
於戲昔堯分四岳漢總六條所以光闡帝猷式調萌俗者
也爰自近古尤爲重任襟帶之地非親不居形勝之藩惟
賢是處咨爾益州都督上柱國杞王上金岐嶷幼彰英徽
早茂仁慈表性愛敬因心磐石之固攸歸分符之寄斯在
是用命爾爲使持節鄜州諸軍事鄜州刺史餘如故夫道
德齊禮爲政之良規踐義基忠立身之要道必恭謙而下

士無驕矜以傲法勉務農之闕勤恤隱之方往欽哉其祇
朕命緝諧令績可不慎哉

冊曹王明梁州都督文

維顯慶四年歲次己未九月乙亥朔二十九日癸卯皇帝
若曰於戲漢川紀闕梁山表鎮南通庸蜀北達襄斜地實
要衝人資剛銳式遏之寄親賢攸屬惟爾上柱國曹王明
志業沖遠襟神爽濟仁惠之風彌著慈和之美日聞析壤
分珪旣隆於藩屏褰帷按部允期於政績是用命爾爲使
持節都督梁洋璧集等四州諸軍事梁州刺史王及勳官

金定全唐文 卷十四
並如故往欽哉恤隱之任昔人尤重班條之職往哲稱難
宜盡公平之心用崇寬恕之道聿遵前典勉修厥德惟良
是屬可不慎歟

冊郇王素節申州刺史文

維顯慶四年歲次己未九月乙亥朔二十九日癸卯皇帝
若曰於戲經邦之術寄宗子而維城御下之方資懿親而
調俗緬尋遐載率修斯道咨爾上柱國郇王素節端嶷幼
彰清徽早茂夙聞詩禮之訓式光車服之寵邑連鍾武壤
接平春合九州之遙塗控三門之險路形勝之地馬牧所

在是用命爾爲使持節申州諸軍事申州刺史王及勲官
並如故往欽哉夫政化之要禮義爲先臣子之規忠孝爲
本爾其慎修刺舉祇服炯戒仰鳴謙以自牧無侈縱而違
道荷茲隆委可不慎歟

冊潞王賢爲揚州都督仍徙封沛王文

維龍朔元年歲次辛酉十月癸亥朔十七日己卯皇帝若
曰於戲夫翦商統歷建侯以崇藩衛纂堯開運分土以光
震聞故廼族茂麟趾經國之令圖地利犬牙裁化之明準
惟爾雍州牧幽州都督上柱國潞王賢穎擢元樞軸榮紫

極姿儀映徹占對淹凝機悟韶敏風徽簡令雕鎔信義振
英挺於觴年苑囿文詞標秀發於髻日藝優楚沛道駕天
人繇蟻層臺舞鶴懸鏡湛清襟於篁沼鼓芳譽於蘋風是
用命爾爲沛王使持節都督揚和滁潤常宣歙等七州諸
軍事揚州刺史左武侯大將軍牧及勲並如故徐方奧壤
泗水名區榮耀虞珪賞延漢礪加以作牧淮海式道京畿
申大雅而釐風資樂善而揚德必宜靖恭廼位克懋聲猷
光被寵重可不祗歟

冊贈渤海王文

維龍朔二年歲次壬戌五月十五日皇帝使大司成彭陽
郡開國侯令狐德棻副使正議大夫行司宰少卿薛敏恭
持節冊命曰咨夫存著嘉猷歿膺褒顯所以甄明景行昭
紀勲烈況地居懿戚業茂惟貞用式暢情之禮實光追寵
之義惟爾故金紫光祿大夫原州都督渤海郡王奉慈器
範閑裕風裁淹遠德優時彥望重宗英析瑞名區早荷推
恩之澤分符奧壤累藉宣條之任清白聞於朝宁威惠暴
于毗謳固以功著旂常譽光圖史者矣而仁壽室爽貞徽
淹謝永言親懿震悼良深是用贈王爲都督荆硤岳朗四

州諸軍事荊州刺史右衛大將軍餘如故魂而不昧嘉茲
榮寵嗚呼哀哉

冊劉伯英左監門衛大將軍文

閭闔任隆周廬禁切闕忠賢之允著實韜略之兼優惟爾

冠軍大將軍左驍衛將軍山陽郡開國公劉伯英志力沈

濟襟情爽烈早標奇正之術彌光巡警之功偃沙巨海闕

字功宣六豹氣壓三韓折衝之效有聞爪牙之任攸屬式

疇徽烈擢衛宸闈是用命爾為左監門衛大將軍勲封如

故往欽哉爾其職思無荒朕命不虞之寄可不慎歟

冊許敬宗太子太師文

於戲鳳紀龍名茂績光於鉛槧礪金鉤玉嘉庸絢於緹油
蓋以協贊帝圖弼成鼎命矧乃望高咸一超庶尹而馳風
道鬱半千冠羣后而宣譽咨爾光祿大夫行右相許敬宗
藉敬生德基賢誕秀謀猷經制識度英遠培風逸幹業峻
於巨臣滅景宏才器隆於王佐詞源清秘濯色於彫鞞藝
苑沖採抽華於繡牒揮汗簡於丹掖矯豐餌於雞栖翊宏
詞於青闈影長纓於鶴籥訪溫樹之緘對譽宵燭而題明
盛烈輝於西豪茂功表於東第寵翠泉之軒聖掩丹雲之

漢傑可以作訓元儲聳瑤山之瓌構喻水善貳疑激伊水

之長瀾是用命爾為太子太師監修國史等並如故加東

臺三品仍知西臺事往欽哉爾其胙土而乘謙牧克己而

蹈禮國晨謁金墀事切於忠蹇夜隨銀啟義光於調護靖

共朝列可不慎歟

冊隴西郡王博又特進司宗卿文

維龍朔三年歲次癸亥十二月庚辰朔二十四日癸卯皇

帝若曰於戲睦親之訓理鏡於遙圖章威之規道光於絕

簡若乃年耆德懋屬重望隆釋釐綜之勞遂優閒之禮惟

爾光祿大夫司禮太常伯隴西郡王博又發慶秩宗䟽翹
靈派資忠竣業襲義揚風懷匪磷之貞心凌後凋之勁節
榮兼中外效宣文武至乃影組文昌外贊清覽頻致由衷
之請累申降階之謁雖鎮茲雅俗載佇於芳猷而爰靜澆
馳重篤於撫尚是用命爾爲特進行司宗正卿封如故往
欽哉秩亞青槐朝請之恩斯切禮華丹棘序錄之任攸歸
恩邁前徽齊蹤往哲光膺寵命可不慎歟

冊曹王明虢州刺史文

維麟德元年歲次甲子正月己酉朔二十二日庚午皇帝

若曰於戲金楨璿萼分器先於茂親丹帷阜蓋按部盛於

良牧藩條之寄載宣河潤之資斯遠固以聲芳偃桂德秀

坐堂惟爾涼州都督上柱國曹王明幼範趨庭闕風識韶

悟姿儀挺立豪春靈而馳賞絃秋竹而舒襟詞彩星稠對

梁珠而混色情源冰徹帶趙璧而交輝韜兩獻而遐驤籠

二武而孤峙是用命爾為使持節號州諸軍事號州刺史

勲封並如故往欽哉爾其履謙居節念損辭豐置醴以挹

儒津錫戎以登文囿敬光喬梓貞返修筠率由舊章永保

疆宇可不慎歟

大常外郎西樞王對文發與林宗

冊冀王輪文

維總章二年歲次己巳十一月景午朔二十二日丁卯皇
帝特使銀青光祿大夫守司戎太常伯上騎都府崔餘慶
副使中御大監上柱國靈邱縣開國男万俟肅持節冊命
曰於戲夫天垂景宿上躔帝子之宮地載兼山下列乾男
之域是以聖人之登閔則大哲王之立道開階莫不奠磐
石於周親樹良翰於宗懿故黃神命社降若水以䟽封蒼
精建侯奄中都而錫壤用能克久寶祚式固鴻基茂緒藹
乎龍圖盛業光於麟趾惟爾冀州大都督右金吾衛大將

軍上柱國冀王輪曾漢毓靈上枝摘景搖光甫薦允標墜
燕之祥玉兔初聞遽叶占熊之兆中和在己仁義爲資洽
藝通元驗賁駒之入闕潛機應物見巨象之浮舟識茂髻

辰神清綺歲趨庭承訓孝敬極於觀喬金殿傳經敏學踰
於括羽擅三雍之雅對韞七步之閎才足以道架河書聲
芬鄴頌暨龍荒北鎮鵠水東臨侮食之渠稟稜威而革暴
鳴弦之俗感惠化以遷訛製杼垂風含唐流詠若乃西河
之地實曰奧區就日分郊闕唐虞之舊國均霜闢野總虞
夏之餘盟我圖爾居形勝斯在是用命爾爲冀王餘官勲

如故往欽哉爾其勞謙勉志樂善居心闕丹歎之徽章崇
綠車之寵秩受茲中壤用保大藩允迪前修無或僭度維
城之寄可不慎歟

冊紀王慎邢州刺史文

維總章二年歲次己巳闕月庚寅朔十二日辛丑皇帝若

曰於戲昔封唐御極分嶽以鎮寰區宅鎬乘時建侯以隆
藩衛用能發輝鼎祚翊贊昌圖制犬牙以廓地基茂麟趾
而光天緒懿親啟翰其理則然惟爾使持節澤州諸軍事
澤州刺史上柱國紀王慎稟慶星躔分華帝圃器表冲邈

軌鑒端凝業蘊珪璋藝包文武振英詞於五際陵桂巘而
含芳抗違議於三雍警蘋風而鼓譽仁孝爲立身之本貞
恕存應物之方及䟽社上東建旗南服化流江漢道被歌
謠中壘訓兵自穆銜珠之序長淮平俗式崇露冕之規冠
雅政於羣邦標粹範於賢牧夷儀勝壤地乃邢遷跨全趙
之郊畿總常山之襟要維城之寄僉曰爾諧是用命爾爲
使持節邢州諸軍事邢州刺史上柱國王如故往欽哉爾
其光闡六條敷崇四誠考閭平之令則酌魯衛之嘉猷無
以傲從康無以縱敗禮迪於正典聿遵王度祗歷茂闕可

不勗歟

冊曹王明豫州刺史文

維總章二年歲次己巳三月己卯朔十三日辛卯皇帝若

曰於戲夫豐京統歷䟽青社以建侯炎漢握圖剖丹書而

分國固以翦桐作屏實寄於周親剖竹開藩允屬於良牧

睠言遐載諒迺通規惟爾使持節號州諸軍事號州刺史

上柱國曹王明濯秀銀潢搞華璇極端潔成性自叶於遊

蘭孝敬爲心有踰於訓梓馳精祕象驗封蟻之登辭披翰

小山見騰塵之入頌業隆燕館道藹梁闈累播循風薦敷

簡政飛蝗感化不犯漢中之田猛獸懷仁遠避宏農之境
若乃荆河奧壤井賦萬家周楚舊郊屬城千里形勝之地
非親勿居是用命爾爲使持節豫州諸軍事豫州刺史上
柱國王如故往欽哉爾其班條述職務盡於勤誠求瘼庇
人事歸於平恕祇服炯誠勉修厥德維城之重可不慎歟

冊趙王福梁州都督文敷封文敷封文敷封文敷封

維總章三年歲次庚午二月甲辰朔九日壬子皇帝若曰
於戲夫姬祚斯永分玉瑞以建侯漢歷載融剖銅符而作
鎮然則道光宗懿方膺錫社之榮跡著循良實允班條之

寄惟爾隰州刺史上柱國趙王福摛祥丹極毓慶元樞邁
德爲資體仁成性趨庭演訓先承喻梓之恩樹屏凝規夙
奉栽培之命樂善無倦率禮無愆聳蓋臨藩振英風於桂
嶼褰帷按部流惠化於棠陰固以埒美鄆郇均聲河楚若
乃華陽舊壤山抗西傾導漾名區地分南鄭睠言形勝諒
在親賢是用命爾爲使持節都督梁璧洋集四州諸軍事
梁州刺史上柱國王如故往欽哉爾其靖恭廼位聿遵前
典勗貞恪之心務廉平之政茂對休寵可不慎歟

冊謚孝敬皇帝文

維上元二年八月五日天皇若曰於戲咨夫御圖籙者至
聖荷提衡之業承宗廟者元良膺受命之期渺尋千古之
外縱觀百王之表成功不處高讓之躅惟崇在賢斯授則
哲之風逾遠睠彼勲華鼎祚傳於有德洎夫湯武寶歷歸
於孟侯揖前載之宏謨成後王之茂範者也炎精失馭巨
猾挺突普天陷塗炭之危區寓墜豺狼之毒我高祖神堯
皇帝應天御物撥亂反正斬白蛇而定天下誓蒼兕而會
諸侯底綏萬邦乂寧六合太宗文武聖皇帝循機統極出
震開階鍊彩石而補乾綱拯橫流而恢地絡遠穆邇肅時

清頌平朕式纂昌基欽承睿緒幸憑累聖之福高居兆人
之上靈符叶贊天命允集是以昭報先功鏤玉於外中之
觀聿崇嚴配禋珪於布政之宮俗阜歲豐化淳刑措幽明
以之郊社夷夏由其乂安馭朽逾兢寢繩多愧嘗以人之
所寶者位雖處位以思沖心之所存者道希察道而求逸
是以載想褰迎虛襟屣脫凝神不宰宣遊汾水之陽滌厲
無爲訪道襄城之野咨爾故皇太子宏克岐克嶷有德有
行事親以孝愛敬極於寢門奉上以忠恭慎形於馳道孝
慈不犯惠以及人載隆三善之規無俟八繁之誡發揮弦

誦遜業之道彌光黼藻温文承祧之望攸重撫軍監國大
 闡良圖百揆萬幾佇令居攝庶幾乾坤交泰主鬯之業方
 新日月重光繼照之明斯遠頃災象戒節屬爾沈疴實美
 惟痊釋予重負粵因瘳降告以斯懷爾忠懇特深孝情天
 至聞言哽咽感絕移時因此彌留奄然長逝伊川可望泣
 笙駕之無追瑤嶺難逢痛琴風之永絕循今念往震悼良
 深然事欲必行禮雖崇而字闕二德闕可尚身已謝而宜尊
 加以尊名允符心許是用謚爾為孝敬皇帝式昭典冊俾
 夫位光一德叶帝載於將來名參四大播天聲於無極明

靈若存享茲寶命嗚呼哀哉

冊周王顯左衛大將軍文

維儀鳳二年歲次丁丑二月甲午朔十二日乙巳天皇若
曰於戲上圖圓極星躔分帝子之象下奠方輿列野宅天
孫之鎮緬徽千古尚想百王法靈臺以啟封俾親賢而作
輔是以軒邱御厯爰錫蒼林之祚幽室建侯載䟽曲阜之
邑用能崇寶統贊昌期盛業茂於本枝鴻基峻於磐石惟
爾洛州牧益州大都督兼太子左衛率使持節洮河道行
軍元帥蔡州鎮撫上柱國周王顯高謀薦祉甫應瑤筐仙

域啟禎載分金榜迪中和之粹質蘊上德之良規風識俊
邁機神爽徹純襟洽地義之方悌性睦天倫之重發揮沛
易隱括河書多材之美載光樂善之風逾振洎乎遙臨西
蜀控玉宇之全邦近牧東周闢銅衢之奧壤少城故地不
變歌廉之俗太室餘萌載陶分陝之化總戎未舉威已讐
於三羌作鎮方崇聲遠馳於萬里若乃左軍望重前馳任
隆司鷁弁於宸階統熊渠於襟衛實惟心膂之要斯謂爪
牙之職廼睠鷹揚寄於麟趾追蹤漢屏外驃騎之班繼美
晉藩極領軍之選是用命爾爲左衛大將軍餘官勳封如

故惟天遵物厥命弗常惟人立躬在心則應性之所近邪
正由乎積習事之所通感召同於影響祇畏之道賢哲同
歸欽哉往敷乃訓率由前則竭愛敬之情砥溫恭之行在
參期損据寵思危無耽樂是從非禮義勿踐永保朕命以
蕃王室誕綏福祉可不慎歟

大典賀冊張延師鎮軍大將軍文

於戲姬歷初沖是資方郡之列漢圖攸永往隆南北之軍
故鏤鼎垂勲銘常紀効坐樹之名爲重聞鞞之慮實深惟
爾左衛大將軍檢校羽林軍上柱國張延師志局淹凝識

度閑雅當風雷之會遇經綸之日執羈霸府盡忠肅之勤
 誠聳劒元戎罄旌旄之茂績有六奇之祕術蘊三略之宏
 規邁遐列於孫吳掩芳聲於闕三報之迹紀運頻周光華
 之典賢才攸屬是用命爾為鎮軍大將軍行左衛大將軍
 餘如故往欽哉其敬揚休命無忝朝獎勉爾幹慎之規宣
 明奇正之法連徽往彥可不慎歟

五由乎... 欽定全唐文... 卷十四... 三

欽定全唐文卷十五目錄

高宗 五

請勿親行陣表

答元奘謝啟書

答元奘請入少林寺繙經書

誡滕王元嬰書

與百濟王義慈璽書

三藏聖教後序

述聖記

德威法師贊

玉華宮山銘

隆國寺碑銘

萬年宮碑銘

攝山棲霞寺明徵君碑銘

孝敬皇帝叡德紀

大唐故司空太子太師上柱國贈太尉揚州大都

高宗 督英貞武公李公碑

泰山玉牒文

祭告孔子廟文

枇杷子帖

叔藝帖

廣德寺碑

萬年古碑銘

嶺山漢代寺明徵善碑銘

李山漢代碑銘

婦孺神聖太子大師上柱國贈太子少師

蘇味子神

李公碑

祭告孫子廟文

欽定全唐文卷十五

高宗五

請勿親行陣表

伏承聖躬去賊城不踰百步臣魂飛膽戰莫知自處伏願
思宗社之重以億兆為心收雷霆之威駐矢石之外臣之
愚誠敢以死論

答元奘謝啟書

治素無才學性不聰敏內典諸文殊未觀覽所作論序鄙
拙尤繁忽見來書褒揚讚述撫躬自省慚悚交并勞師等

遠臻深以爲愧

答元奘請入少林寺繙經書

省表知欲晦跡巖泉追遁遠而架往託慮禪寂軌澄什以
標今仰挹風徽實所欽尚朕業空學寡靡究高深然以淺
識薄聞未見其可法師津梁三界汲引四生智皎心燈定
凝意水非情塵之所翳豈識浪之能驚道德可居何必太
華疊嶺空寂可舍豈獨少室重巒幸戢來言勿復陳請即
市朝大隱不獨貴於昔賢見聞宏益更可珍於即代

煇安人 誠滕王元嬰書

王地在宗枝寄深磐石幼聞詩禮夙承義訓實冀孜孜無
怠漸以成德豈謂不遵軌轍踰越典章且城池作固以備
不虞關鑰閉開須有常準鳩合散樂並集府僚嚴關夜開
非復一度過密之悲尚纏比屋王以此情事何遽紛紜又
巡省百姓本觀風問俗遂乃驅率老幼借狗求置志從禽
之娛忽黎元之重時方農要屢出畋遊以彈彈人將爲笑
樂取適之方亦應多緒何必此事方得爲娛晉靈虐主未
可取則趙孝文趨走小人張四又倡優賤隸王親與博戲
極爲輕脫一府官僚何所瞻望凝寒方甚以雪埋人虐物

金定全唐文 卷一五
既深何以爲樂家人奴僕侮弄官人至於此事彌不可長
朕以王骨肉至親不能致王於法令與王下上考以愧王
心人之有過貴在能改國有憲章私恩難再興言及此慚
嘆盈懷

與百濟王義慈璽書

海東三國開基日久並列疆界地實犬牙近代以來遂構
嫌隙戰爭交起略無寧歲遂令三韓之氓命懸刀俎尋戈
肆憤朝夕相仍朕代天理物載深矜愍去歲王及高麗新
羅等使並來入朝朕命釋茲讎怨更敦款穆新羅使金法

敏奏書高麗百濟唇齒相依競舉兵戈侵逼交至大城重
鎮并爲百濟所併疆宇日蹙威力並謝乞詔百濟令歸所
侵之城若不奉詔即自興兵打取但得故地即請交和朕
以其言旣順不可不許昔齊桓列土諸侯尚存亡國況朕
萬國之主豈可不恤危藩王所兼新羅之城並宜還其本
國新羅所獲百濟俘虜亦遣還王然後解患釋紛韜戈偃
革百姓獲息肩之願三蕃無戰爭之勞比夫流血邊亭積
屍疆場耕織並廢士女無聊豈可同年而語矣王若不從
進止朕已依法敏所請任其與王決戰亦令約束高麗不

許遠相救恤高麗若不承命即令契丹諸蕃度遼澤入抄掠王可深思朕言自求多福審圖良策無貽後悔

三藏聖教後序

蓋聞羲皇至賾精粹止於龜文軒后通幽雅奧窮於鳥篆考丹書而索隱殊昧實際之源徵綠錯以研幾蓋非常樂之道猶且事光圖史振虞薰於八埏德洽生靈激堯波於萬代伏惟皇帝陛下轉輪垂拱而化漸雞園勝殿凝旒而神交鷲嶺總調御於徽號匪文思之所窺綜般若於綸言豈繫象之能擬由是教覃溟表咸傳八解之音訓浹寰中

皆踐四禪之軌遂使三千法界盡懷生而可期百億須彌
入提封而作鎮尼連德水邇帝皇之滄池舍衛庵園接上
林之茂苑雖復法性空寂隨感必通真乘深妙無幽不闡
所謂大權御極導法流而靡窮能仁撫運拂劫石而無盡
體均具相不可思議校美前王焉可同年而語矣爰自開
闡地限流沙震旦未融靈文尚隱漢王精感託夢想於元
宵晉后翹誠降修多於白馬有同蠡酌豈達四海之涯取
譬管窺寧窮七曜之奧泊乎皇靈遐暢威加鐵圍之表至
聖發明德被金剛之際恒沙國土普襲衣冠開解脫門踐

眞實路龍宮梵說之偈必萃清臺猊吼貝葉之文咸歸冊
府灑茲甘露普潤芽莖垂此慧雲遍霑翮走豈非歸依之
勝業聖政之靈感者乎大菩薩藏經者大覺義宗之要旨
也佛修此道以證無生菩薩受持咸登不退六波羅蜜關
鍵所資四無量心根力斯備蓋彼岸之津涉正覺之梯航
者焉貞觀中年身毒歸化越熱坂而頒朔跨懸度以輸賅
文軌旣同道路無壅沙門元奘振錫尋眞出自玉關長驅
柰苑至於天竺力士生處訪獲者經歸而奏上降詔翻譯
於是畢功余以問安之暇澄心妙法之寶奉述天旨微表

贊揚式命有司綴於終卷

述聖記

夫顯揚正教非智無以廣其文崇闡微言非賢莫能定其
旨蓋真如聖教者諸法之元宗衆經之軌躅也綜括宏遠
奧旨遐深極空有之精微體生滅之機要詞茂道曠尋之
者不究其源文顯義幽履之者莫測其際故知聖慈所被
業無善而不臻妙化所敷緣無惡而不翦開法網之綱紀
宏六度之正教拯羣有之塗炭啟三藏之祕局是以名無
翼而長飛道無根而永固道名流慶厯邃古而鎮常赴感

應身經塵劫而不朽晨鐘夕梵交二音於鷲峯慧日法流
轉雙輪於鹿苑排空寶蓋接翔雲而共飛莊野春林與天
華而合彩伏惟皇帝陛下上元資福垂拱而治八荒德被
黔黎歛衽而朝萬國恩加朽骨石室歸貝葉之文澤及昆
蟲金匱流梵說之偈遂使阿耨達水通神甸之八川耆闍
崛山積嵩華之翠嶺竊以法性凝寂靡歸心而不通智地
元奧感懇誠而遂顯豈謂重昏之夜燭慧炬之光火宅之
朝降法雨之澤於是百川異流同會於海萬區分藝總成
乎實豈與湯武校其優劣堯舜比其聖德者哉元奘法師

者夙懷聰令立志夷簡神清齟齬之年體拔浮華之世凝
情定室匿迹幽巖栖息三禪巡遊十地超六塵之境獨步
迦維會一言隨機化物以中華之無質尋印度之真

文遠涉恒河終期滿

以登雪嶺更獲半珠問道往還十

有七載備通釋典利物爲心以貞觀十九年二月六日奉
勅於宏福寺翻譯聖教要文凡六百五十七部引大海之
法流洗塵勞而不竭傳智燈之長燄皎幽闇而恒明自非
久植勝緣何以顯揚斯旨所謂法相常住齊三光之明我
皇福臻同二儀之固伏見御製衆經論序照古騰今理含

金石之聲文抱風雲之潤治輒以輕塵足嶽墜露添流略
舉大綱以為斯記

德威法師贊

河汾之寶山嶽之英早祛俗累夙解塵纓緇門仰德紺宇

馳聲式亞龍樹爰齊馬鳴

玉華宮山銘

順訪峒山鐫芳金石道光軒駕聲流姬迹矧此崇巖介通

帝宅峻侔銅柱祥韜金碧飲渭南通鳴岐西格炎生肇授

彤暑初融高明叶宇卜揆裁宮鳳標銜露鳥跂捫空丹谿

繚繞旋一作堤樹玲瓏逕分餘雪嶺界斜虹流花縵景清籟

嘶風波移控鯉雲飛御鶴沈沈松嶝萋萋蘭幙霧宿重巒
寒生洞壑峯高鳥路月對林垂交藤散綠懸鏡成規鷓歸
繞薜鳳下標倚崖依注薛池涵卷菴廣運堯心式昭夏諺
端靈養白申歌祕殿茵閣流霜椒臺凝霰玉榮闕賞瑤池
肆宴福壽無雙華封斯薦

隆國寺碑銘

朕聞乾坤締構之初品物權輿之始莫不借形后土藉覆
穹蒼然二曜輝天靡測盈虛之象四溟紀地豈究波瀾之

極況乎法門沖寂現生不滅之前聖教牢籠示有無形之外故以道光塵劫化洽含靈者矣緬夫王宮發跡蓮披超步之花神沼騰光樹曲低空之幹演德音於鹿苑會多士於龍宮福已罪之羣生興將滅之人代能使下愚挹道骨碎寒林之野上哲欽風魂沈雪山之偈絲飄法雨清火宅而辭炎輪昇慧日皎重昏而歸晝朕逖覽緗史詳觀道藝福崇永劫者其惟釋教歟文德皇太后憑柯瓊樹疏派璇源德照塗山道光媯汭流芬彤管彰懿則於八紘垂訓紫宮扇徽猷於萬古遽而陰精掩月永戢貞輝坤維絕紐長

淪茂迹撫奩鏡而增感望陟岵而何追昔仲由興歎於千
鍾虞邱致哀於三失朕之罔極實有切於終身故載懷興
葺創茲金地却背邠郊點千莊之樹錦前臨終岳吐百仞
之峯蓮左面八川水皎地而分鏡右隣九達羽飛蓋而連
雲抑天府之奧區信上京之勝地爾其雕軒架迴綺閣臨
虛丹空曉烏煥日宮而泛彩素天初兔鑒月殿而澄輝薰
徑秋蘭踈庭佩紫芳巖冬桂密戶叢丹燈皎繁華焰轉煙
心之鶴旛標迴刹彩縈天外之虹飛陸參差含文靈而棲
玉輕簾舒卷網靨宿而編珠霞班低岫之紅池汎漠煙之

翠鳴佩與宵鐘合韻和風共晨梵分音豈直香積天宮遠
慚輪奐闋風仙闕遙愧雕華而已哉有元奘法師者實真
如之冠冕也器宇凝邃若清風之肅長松縟思繁蔚如綺
霞之輝迴漢騰今照古之智挺自生知蘊寂懷真之誠發
乎齟齬孤標一代邁生遠以照前迴秀千齡架澄什而光
後以爲淳風替古澆俗移今悲巨夜之長昏痛微言之永
翳遂乃投迹異域廣滄祕教乘杯雲漢之外振錫煙霞之
表滔天巨海侵驚浪而羈遊亘地嚴霜犯淒氛而獨逝平
郊散緒衣單雪嶺之風曠野低輪肌弊流沙之日遐征月

路影對宵而暫雙遠邁危峯形臨朝而永隻研窮智境探
蹟至真心罄元津研幾祕術通昔賢之所不逮悟先典之
所未聞遂得金牒東流續將斷之教寶偈西徙補已缺之
文於時睠彼靈基棲心此地宏宣奧旨葉方翠於祗林遠
闢幽關波再清於定水朕所以虔誠入正肅志雙林將延
景福式資冥助奉願皇太后逍遙六度神遊丹闕之前偃
息四禪魂昇紫極之境悲夫玉燭易往促四序於炎涼金
箭難留馳六龍於晷漏恐波遷樹在夷溟海於桑田地是
勢非淪高岸爲幽谷於是敬刊貞石式旌真境其銘曰

三光照象萬品流形人途超忽時代虛盈淳風久謝澆俗
潛生愛波滔識業霧昏情猗歟調御迦維騰迹妙道乘幽
元源控寂鷲峯遐峙龍宮廣闢慧日舒光慈雲吐液瞻言
聖教載想德音義徼往劫道冠來今騰神九域晦迹雙林
漢夢如在周星遽沈悲纏奩鏡哀深棟宇濯龍潛潤椒風
韜緒露葉朝侵風枝夕舉雲車一駕悠哉萬古乃興輪奐
實構雕華紫棟留月紅梁藻霞雲窻散葉風沼翻花蓋低
鳳偃橋側虹斜爰有慧命英氣虛沖孤標千載獨步三空
給園味道雪嶺滄風智燈再明真筌重宗四運周流六龍

馳驚巨夜銷氣函關啟曙茂德徽範微塵表譽勒美彼文
遐年永著

萬年宮碑銘 并序

朕聞金臺遼瀟超忽崑閩之間玉闕參差縣邈蓬瀛之際
是以周王肆轍唯招既往之僊漢帝遐遊空益將來之弊
豈如岐陽峻阜鎮茲京甸疏林光之別館建甘泉之離宮
東望嵩華千林結影一作結綵西瞻隴阪派水分流南俯茶原
風雲交映北臨石柱川岳相縈迴迴孤岑秀三襲於霞表
斜斜危路環九折於雲心複澗澄陰扇炎風而變冷重巒

潛暑韜夏景而翻寒故知五鎮之基空號神州之地三仙
之嶺虛傳靈府之都未若翦石裁宮構飛檐於迴漢騰虛
架宇聳紫殿於遙空百仞朱樓月盈虧於青瓊千尋翠閣
雲舒卷於丹墀岫綴霞衣點虹梁而散錦巖飛溜帶瀆石
砌而飛珠浮涼氣於彤闈庭留花而雪夏凝清陰於碧沼
池結鏡而冰春泉擊花潭沁雙峯而吐秀波搖錦石皎兩
鏡而騰暉幾片斷雲縈松合蓋數藂幽桂捶月分香暝壑
棲煙籠千崖而散碧朝原吐日輝四野而舒紅笑樹餘花
低空落影吟風宿鳥響谷雙嬌鶯不恨而虛啼蜨無情而

散舞朕載懷千古流鑒百王思欲昇逸收驕怡神遣慮崆
峒訪道欽往哲之高風姑射尋真挹先賢之宿志所以停
軒禁籞駐蹕榆川非欲賞恣盤遊途窮轍迹加以時侵首
夏日帶餘春露泣修篁風清邃澗松蘿雲起藤蔦星懸可
以陶瑩心靈澄清耳目鏡冰霜則廉潔斯在撫松筠則貞
操非遙昔姬后西征猶刊弁石秦王東指尚勒稽峯況勝
地淹留何必華胥之國蕭然物外不假元圃之阿故以劭
美千齡騰徽萬古景其前躅爰紀茲地其銘曰
靈山作鎮挺秀岐陽遠圖天柱迴儷瑤房鸞嬌淑氣花泛

韶光樹含冬霰巖留夏霜構宇重巘裁基疊岫石砌披錦
山窻點繡佩小蘭新峯殘蓮舊雪徑如花冰溪恒晝標途
天外聳闕雲端煙霾邃谷霧宿危巒闕澗曲迴湍彤闈潛
暑翠幌凝寒憇駕離宮淹留禁苑柳初眉細潭深鏡遠蓋
逐雲穿苔隨雨卷葉冷帷秋莊濃闕晚泉飛嶺腹景鏤巖
心霞踈錦薄草密袍深露荷傾玉風螢散金簷空鷁靜山
昏日沈邱壑怡神林篁賞性千里眺覽八州澄鏡玉燭調
序薰琴動詠仰則高山刊規遠映

攝山栖霞寺明徵君碑銘

朕聞鍾山玉闕羽駕之所巡游崑嶽金臺蜺衣之所翔集
雖復真宗宵眇神理希微猶居三界之中未出九天之外
唯有乘如廣運妙覺圓明因無生以濟有生就無象而成
大象道隔去來之際筌繫靡得其端理忘動寂之機隨迎
罕窺其奧得其門者如髻寶之希逢臻其極者似曇花之
難遇南齊徵君明僧紹者平原人也仲雍誕其縣允井伯
播其靈苗芳源肇於孟明因即以明爲姓曾祖忱晉著作
郎祖玩晉建威將軍鳳經流譽雅韻隆於八儒豹略申威
香名高於七校父略宋平原太守中書侍郎朱明出撫揚

惠化而傍霑紫誥攸司罄忠規而奉上徵君早植淨因宿
苞種智悟真空於綺歲體法性於青襟照與神通心將道
合遺榮軒冕少無塵雜之情託志林巖自叶幽貞之趣亭
亭秀氣掩璧月而架丹霄皎皎清衿漱瓊湍而凌碧瀨即
相非相指萬象爲虛空無我無人等四流於寂滅加以學
窮儒肆該綜典墳論極元津精通老易至若鹿野龍宮之
祕猿江鶴樹之文莫不遞貫清衷總持丹府班荆坐樾獨
神王於亭臯朗嘯長吟乃情超於宇宙蒲輪每至攀桂之
節逾高玉帛屢陳枕石之誠彌固遂乃緬懷飛遁抗迹嶸

山託岫䟽階憑林結棟紉蘭製芟方輕藻火之衣爽籟風
松自代管絃之響橫經者四集請益者千餘高鳳愧以韜
光張超謝其成市於時南風不競東土構屯人厭豺狼之
毒家充虵豕之餌盜仍有道望境歸仁共結盟誓之言不
犯徵君之界豈非至誠攸感木石開心者乎及元厯告終
青光啟祚齊高祖希風佇德側席傍求屢下徵書確乎不
拔其後又移居鬱洲掩榆山栖雲精舍情親魚鳥志狎煙
霞蛻影樊籠蕭然獨往齊建元元年又下詔徵爲散騎侍
郎又不就旣而濟岱淪胥公私蕩覆稽天之浸將湮蹈海

之居燎原之火欲燼藏山之璞乃鴻鸞鳳舉騰萬仞以高
翔擇木選君相九土而遙集凌江迴憩遂屆南京負杖泉
邱游睨林壑歷觀勝境行次攝山神谷仙巖特符心賞於
是披榛薙草定跡深棲樹槿䟽池有終焉之志此山其狀
如織故亦號曰織山丹穴紅泉共星河而競瀉珠林鏡巘
與月桂而交輝鳥哢巖虛猿吟澗靜松門杳靄去來千里
之雲花援丰茸含吐十枝之日實息心之勝地乃宴坐之
名區爰集法流於焉講肄音容秀澈宇量端凝投論會奇
興言入妙若洪鍾之虛受有擊必揚似明鏡之忘疲無來

不應於時元儒兼闡道俗同歸俱號淨名以旌至德先是
山多猛噬人罕登臨昇巖有仙谷之危越澗等憑河之險
徵君心不忤物總萬類以敷仁故使物乃革心屏三毒而
歸惠興風歛暴遽承探鯁之恩游霧含辛自埒報珠之感
於時齊道方修寤寐求賢永明元年又徵爲國子博士徵
君隱居求志義越乎由光不降凝心跡高於園綺鑿坏貞
遁漱石忘歸鶴版載臨豹姿逾遠俄有法師僧辯承風景
慕翼徒振金翻然戾止法師業隆三藏道邁四依戒行堅
明律軌嚴淨欣然一遇契千齡子琴爲莫逆之交溫雪

豈容聲之友因即隣巖構宇別起梵居聳嶠飛柯含風吐
霧栖霞之寺由此創名福地裁基肇發初心之誓法門構
邃遽鍾後說之辰安居頃之辯師遷化六年頂拜雖開青
石之壇千日威光未建紫金之岳徵君積緣登妙至感入
微嘗夢法身冠於曾巘後因垂眺屣步林亭乃有浮磬吟
空寫圓音於帷樹飛香散迴騰寶氣於鑪峯又覩真顏於
巖之首神光駭矚若登靈鷲之山妙力難思如游瞽龍之
邑豈止無垢佛國獨蔭珠雲淨德王家方承珂雪是知不
行而至冥通應感之符爲法而來實昭光啟之福非夫慧

因宿植其孰與於此哉於是拜受嘉徵願言經始將於巖
壁造大尊儀乃眷爲山未遑初簣遽而西州智士與曉岳
而俱傾東國高人隨夜星而共沒瓊瑤落彩峯岫沈暉永
明二年奄遷舟壑第二子臨沂公仲璋顧慕曾巒旣崩心
於岵望徘徊曩構更泣血於楹書遂琢彼翠屏爰開葉座
捨茲碧題式建花宮上憲優填之區仰鏤能仁之像校美
何充之宅遽興崇德之闡逖彼蕭宗大宏釋典文惠太子
及竟陵王或澄少海之源派朝宗於法海或茂本枝之穎
發萌祗於禪枝咸捨淨財光隆慧業時有沙門法度爲智

殿之棟梁即此舊基更興新製又造尊像十有餘龕及梁
運載興銳心迴向大林精舍並事莊嚴臨川王載剖竹符
宣化惟揚之境言尋柰苑興想拔茅之義以天監一十五
載造無量壽像一區帶地連光合高五丈滿月之瑞湛珠
鏡以出雲崖聚日之輝昇璧輪而皎煙路參差四注周以
鳥翅之房迢遶千尋飾以魚鱗之瓦擊鳴乾於爽籟則步
影齊歸麗停午於高曦則息心攸萃逾錦城而特建掩銀
界而孤標良由積慧所符大士著甚深之業用能遙誠克
果永代增希有之緣以曠劫之隆因開舍生之至福偉哉

壯觀無得而稱朕肅纂禎圖丕承寶歷澄九溟而有截寧
八表而無爲紫塞丹岑接封畿於上苑白門青野款賅贄
於仙闈將使率土蒼生鎮昇仁壽之域普天黔首永蹈淳
古之源崇慶越於兩儀景運逾於萬劫屬以冕旒多暇物
色傍求瞻江海而載懷詠林泉而興想欽風味道恨不同
時古往今來撫運化而雖寂德崇業著眷神理而猶存寤
寐遺塵有兼前烈瞻言勝軌歎佇唯深今故於彼度人常
滿七七各兼衣鉢錢二百貫絹二百匹蘇參拾斛繡像織
成像新舊翻譯一切經一藏并幡華等物憑幽尋之曩跡

光顯德門託嘉道之名區追崇仁里就福宇而延福即祥
基以締祥冀緣金囿之庭近叶珠囊之耀所願通因法岸
契果禪林九鼎與元極同安七廟與紫微齊固總三千之
淨土並沐薰歌罄百億之恒沙長爲壽算鐵圍之所苞括
玉燭之所照臨常滄六氣之和俱藻一音之聽夫象以盡
意意非象而不申言以會情情非言而不暢是以發揮二
諦宏演四依迴託蓮花之峯遙刻芝英之字庶海桑頻變
孤超弁岳之碑城芥屢空獨跨稽岑之篆式陳茂實乃作
銘云

悠悠法界摠摠含生輪迴欲海起滅身城俱安大夜共習

無明愛塵岳聚毒樹雲平

其一

邈矣遍知超然獨悟遽乘五

演高被六度大空善說中天巧諭引彼迷途歸之覺路

其二

猗歟淨行育彩昆田家承珪組代著忠賢戒支宿習種智

斯圓棟梁三寶薰修四禪

其三

爰始筮賓薜蘿攸整蹈海沈

跡棲巖滅影天地構屯干戈互警北林罔庇南轅載騁

其四

翻飛澤國歷考山圖言瞻碧磴自韞元珠憑峯架室枕壑

通衢鱣庭廣跨馬帳宏敷

其五

同氣相求善隣遙託道符久

敬心均常樂對闢金園並䟽銀閣谷停帝馬鬣歸梵鶴

其六

空分瑞塔地積香臺珂月霄映珠雲旦來千光霧起七淨

霞聞谷邊飛錫澗下乘杯其桂巘參差松亭隱靄石壇照

錦瑤泉瀉籟岫接香鑪峯承寶蓋翔鳧演法毒龍銷害其

梵宮既啟福海長深噬虺忘穴飛鴉革音羣生普戴奕祀

同欽不有高節寧符宿心其御展多閑聞風逖想茂軌遐

劭清暉遠往佇契業於圓明冀崇緣於方廣鏤飛篆於曾

岳齊勝基於穹壤其

孝敬皇帝叡德紀

朕聞乾象上浮南陸啟黃離之耀坤元下闢東明敞碧題

之居稽古前王憲兩儀之大則傍求列聖崇貳極之丕緒
所以長隆守器永茂承祧膺繼明而闕四闕萬闕藻人文
以成務茂實光於載鼎嘉聲表於游雷區分四德之規具
美八繁之誠其於宏有之矣宏字宣慈高祖神堯皇帝之
曾孫太宗文武聖皇帝之孫朕之元子也緬惟聖系崇高
極天無以方其峻仙源淼邃浴景無以喻其深如霓表夜
月之禎類馬鬱秋雲之瑞關浮紫氣開闕之闕地闕高祖
屬山鳴之標運躡神嘯之屯期受大命於闕宮修闕氛於
闕野太宗雲行雨施撲炎岳而救焚架橈乘舟濡沸海而

匡溺更張天地息龍戰而靜陰陽重懸神象弭麟闕而清

日月細柳盤桃之域總入提封銅標珠闕之鄉並歸正朔

闕累聖之崇基纘重光之大業幸休徵再洽景歷維新宇

宙無虞環瀛有截揚玉燭而調四選品彙昭蘇握金鏡而

朗八荒中外禔福自蒼昊而垂祐闕結本闕由闕而發祥

闕承魏雲而毓質戴玉連珠之異相發於髫初注琴銘劔

之能道光於北始年纔一歲立為代王鳧岳崇封闕景風

之典象舟勝智益峻闕人之高朕以主鬯攸闕宰是命闕

龜以闕春闈習禮秋籥彈藝宮之奧旨究肅成之宏義一

物載行九教闕允廣延端士納審諭之良箴博採正人佇

宣翼之明行略詮其美闕德焉爾其至性純闕道闕承闕

五起問堅切非三闕朕及天后攝衛微乖則色不滿容行

不正履出青宮而視膳輟寢通宵入紫庭而扇枕纏憂永

日豈止衣闕帶藥必親嘗而已哉此其至孝也監國字人

務在闕刑慎闕身後闕竊金馬而無尤祇召惟恭出銅龍

而載惕此其至仁也承天奉地貽肅雍之大矩迎郊過廟

極祇敬之崇儀闕獨不惰其容居暗莫移其檢同輿共帳

接闕均闕之風闕橫經闕之禮闕喻其神望景揣情藏往

無以論其智心融道鏡應萬象以含幾器韞元珠苞六合

而凝照辨防年之訟義出羣心驗長壽之書事惟獨察此

其至明也極柱茅簷闕衣菲食戀闕以為闕朕每賜以闕

佩服以承恩雅淡既隆還委襲而從好此其至儉也不邇

聲色符帝乙天性之高載植踈通有顓頊冲年之量馳騁

末事弃之而弗為書劒淺技能之而勿貴西苑闕遊闕林

泉闕東闕之娛闕範小道恐泥不留聰於異端此其至正

也七門四徹之書互窮泉極蓬府柏臺之祕遞綜真筌考

闕典於叔時採德義於羊傳罷搖嶺之風樂鐘鼓六經輟

闕之闕闕 此其至闕也柔而能闕 匡諷之宜政或是非

潛申獻替之益朕所惡者有片善而必揚朕所好者無纖

微而不舉父有諍子是之謂歟此其至直也縣庭葭莩因

心之戀已切桂山棣屏闕之愛尤深闕輦闕遊未足闕其

孔懷此其至睦也爲而不恃闕柱史之妙門異而能齊體

蒙叟之虛室賓實斯混語默兩忘咸英與林籟同歸袞紱

與雲霞一致此其至通也迪闕衆德闕踐闕詔闕洛陳謨

凌太山而開辯圖闕鮪去俎禮不忘於須臾釣鼈臨座文

必申於造次畋遊寢跡不待燔翳之書道德立身無容設

木之諫雖復謳歌未作戴啟之願闕攸歸贊闕之頌斯達

朕闕山脫屨褰裳願尋真於汾水不飾情於外禪無待咨

岳之闕逸已於中宸自申知子之授潛圖釋負未述所懷

屬炎籥戒辰涼宮避暑闕因扈闕沈闕及其闕愈乃申闕

性特隆一聞斯言因便感咽伏枕流欬哽絕移時重致縣

留遂咸沈痼西山之藥不救東岱之魂吹湯之醫莫返逝

川之命以上元闕年闕月廿五日薨於闕之闕既仰謝於

姬昌變髮之悲遂俯同於容雋闕不知至人無愛大道忘

情雖慕延陵之通終愴卜商之感天后心纏積悼痛結深

慈相鳳

闕

泣昔周

闕

言朕之至懷不欲違其心許故申舊

命爰贈尊名粵以吉辰乃謚爲孝敬皇帝其葬事威儀及

山陵制度皆准天子之禮惟爾識自生性

闕

合體

闕

日將

月就羣方欽其麗正多士挹其宣猷愛敬極於九重光耀

究於四海卑詞降東園之逸高談接南館之賓儲君之德

盛焉天子之望隆矣庶其三

闕

茂方

闕

徵奄促上賓之駕

興言念往震悼良深朕以其孝於承親恭於事上意欲還

京卜葬冀得近侍昭陵申以奉先之禮順其既往之志但

以農星在候田務方殷重歸闕輔恐有勞廢遂割一己之

慈闕便兆人之業闕以為言故贈殮絕於珠璣明器惟資

瓦木一從本志無奪宿成即以上元二年八月十九日遷

窆於景山之原禮也冀樹闕陽無隔風雲之路鶴歸闕

合之有遷刊貞珉而垂範式旌往行迺作銘云

震象凝位離景騰輝地浮重海天開少微惟皇取則利建

儲闡承祧是寄主鬯攸歸其一運啟昌圖祚隆先聖丹霧流

闕慶闕正其二研幾道闕發慮闕津戈臨春序籥奏秋旻商

巖佇逸望苑通賓考藝方遠宣猷日新其三禮茂承顏闕融

錫類愛敬兼極君親一致闕義重闕情至性闕其闕優游

四德績劭撫軍譽宣監國便坐垂範寢門貽則量湛用沖

化敷元默其五虛佇丞凝崇奉師保望行辯牘臨渦闕藻讓

闕宮闕逾闕道闕德斯闕為寶其六楹闕靜愈鳴葭締游

鷓廚斯啟鮪俎弗羞恭行一物澄汰九流其七緬惟釋重載

追前懿爰念少陽將推大位純孝深感聞言哽泗闕命朱

申其八玉闕彩珠沈夜光未闕泣元圃風悲畫堂感今興

悼念昔增傷其九崇謚追尊鴻名贈冊伊洛疏兆嵩環卜宅

隧擬橋巖瑩圖畢陌霧凝平楚煙生竹柏其十原隰闕仙殿

闕飛鳳碑空篆鶴駕無追其十一

大唐故司空太子太師上柱國贈太尉揚州大都

督英貞武公李公碑

朕聞四維紀地坤元所以載物八柱承天乾策由其列耀

故軒邱御歷資六相以經綸豐水膺圖憑九臣而締構莫

不道符金礪契叶鹽梅虎嘯龍騰風翔雲起公名勳字懋

功闕一州衛闕四祖康齊伏波將軍譙郡太守追贈濟

州刺史父蓋散騎常侍陵州刺史上柱國濟陰郡王後固

辭闕一改封舒國公贈潭州都督業傳弓冶代列簪裾載

德象賢闕一光惇史闕三十英闕一年甫十七屬隋運分

崩於時率土沸騰羣方競逐黃龍白騎牙動干戈丹浦綠

林遞興氛祲家負吞沙之力人懷鍊石之心李密據大洛

以稱兵臨二周而

闕一

濟公權推盟主暫

闕八

之

闕三高

祖神堯皇帝應昊穹而撥亂順斗極以龔行四海樂推兆

人思戴及密來投附公獨未歸既承其旨方奉皇運誠於

所事造次必形風霜之節其在茲矣高祖乃詔公爲黎州

總管上柱國萊國公尋改青曹公賜同國氏公臨危守義

類文聘之懷忠建策承恩同奉春之得姓武德二年又授

右武侯大將軍是時國步未夷王塗尚梗太宗文武聖皇

金定全唐文 卷十五
帝愍茲交

闕一字

大拯橫流公出贊元戎入參神算受分麾

之重寄沐賜榮之殊榮劉武周率彼犬羊憑陵汾晉先朝

躬親矢石公則任屬偏裨蕭斧纔臨朝

闕一字

俄翦

闕一字

充

竇德潛議合從南瀕控鶴之山北距飛狐之塞擁周韓之

銳卒驅趙魏之梟兵自謂力動天關威迴地軸

闕二字

營

字

闕三十一字

徐員朗虔劉齊地南征北伐並効深功憬彼

匈奴自昔為患乘折膠而犯鄣侯滿月而來侵朔騎騁於

唐郊胡笳沸於汾隰簸林搖岳噴野騰川烽火照於

闕一字

中羽檄飛於

闕一字

下公出車

闕三十一字

豪之逢巨燎彌山抑

室似危葉之遇衝飈滅跡掃塵追奔逐北乃加食封九百

戶參墟奧壤闕一迹所基傍控寶符之鄉近對金庭之域

眷言樞要綏撫特難鎮俗威邊闕三十浮革船而度闕一

河窮闕一海而傾巢闕一狼臺以闕一穴遂使地空塞北

候靜漠南漢將勒燕然之銘胡騎動陰山之闕一既而頻

丁巨罰殆不勝哀累詔寬解敦還闕二十先聖承閑曲垂

談宴緒言之際以朕託公便即齧指流血銘肌為記忠貞

之操振古闕一倚金石之心唯公而已改封英國公授兵

部尚書尋授特進太子詹事左衛率闕三九年授闕二道

次定全唐文 卷一五 高宗

行軍大總管闕七字先朝東征大破駐蹕尋授靈州道安撫

大使破延陁於烏德鞬山又授太常卿出為疊州都督尋

除特進檢校闕一字州刺史朕纂承丕緒延想舊勲又授公

開府儀同三司尚書左僕射闕二十一字以闕十字授職勲賢異

宜踐位未淹遽申闕一字讓朕成公之美權遂謙光尋拜司

空用旌闕一字德傍敷九土上穆三台聿膺元武之符載調

黃鼎之飪彝倫式敘庶績其凝乃將有事闕二字以公為闕二

十二字先朝親行弔伐雲衝萬道天兵四臨闕一字醜徒於握

中置凶羣於几上但聖心惻隱不忍坑夷賜以重生返其

歸路猶復收合餘燼背義忘恩莫念解網之仁還興舉斧
之逆朕恭惟往志情切授柯思清隧穴之祆誓雪園陵之
憤昔王翦舊將方吞南楚之強充國老臣始定西羌之孽
立功立事耆德是憑故勞公暮年出征外域乃以公爲遼

東道安撫大使行軍大總管韞玉

闕一字

之宏

闕四字

之妙

闕二字

十八字

壹縱間謀以知窮因鄉導而乘隙殄茲寇壘不藉九

攻之勞獲彼凶渠唯恃七擒之術傾源拔奔海罄山空萬

代逋誅一朝清蕩及旋拜太子太師

闕一字

封二百戶公自

少及長

闕一字

身奉國

闕三十

上藥名醫相望道路曰仁必

壽竟爽神期天不憖遺殲我良懿以總章二年十二月三

日薨於私第春秋七十有六朕闕一車軫慟去籥興哀爰

命闕一寮廢朝七日闕一宜闕三相鄭闕三給以咸亨元

年二月六日陪葬昭陵所築之墳一准衛霍故事象烏德

韃山及陰山鐵山等以旌破北狄東夷之功焉其遷葬之

晨朕自至橫門投書永訣穿壁候疹不救鶴板之災登城

泣徒深蟻闕一之感闕三朋則虛舟靡逆行已則暗

室無欺晦雨不革其音疾風闕一知其勁奉親思孝遽彰

懷橘之誠事上資恭無待觀闕一之誠孫吳藝術弗學而

生知管樂才闕三而斯闕三十替之言外不彰其直入盡

弼諧之致出不顯其忠就禮俗而存道因善謔而申諷抵

掌宏議庶政咸仗其謀造膝詭詞羣寮莫知其際夷險一

致寵辱不驚闕六之闕六之闕二之懼其為吏也嚴而不

殘其為將也威而能愛子顏之方敵國在昔多慙道濟之

比長城於今為劣朕以公桑榆景力謝年侵欲令諸子

仕闕一得闕三十餘生懷此知足加以上居閒宇唯欣里

宅之卑列壤䟽封獨尚寢邱之儉豈非業光三傑譽重二

南為社稷之元勳實期運之隆棟公材公望有始有終闕

十七 逝何痛如之徂光倏而不留宰樹森其成列恐拘邑

之地竟淪彩於凋戈庶武昌之原永傳輝於翠玉式旌遺

懿乃勒銘云

惟皇建極惟臣佐功吟嘯元感卜夢潛通如鱗縱壑若羽

隨風弼諧天構光亨棟隆其一爰有傑人胄承華緒德闕一

殆庶道光性與情希管樂器侔伊呂闕一物闕六其闕三

字泉其三金石齊貞松筠表勁攝下唯闕一基身以正賜厚

分驂恩隆得姓變和師律抑揚辭令其四營開偃月旆闕一

連雲下江澄靄平林散氛元池妙略黃石崇勲威橫百戰

勇冠三軍

其闕二十五八字

慎同温室

其六

出車青徼申謀絳宮駕

狄攻狄驅戎伐戎鯨銷海晏蜃

闕一字

樓空永殪逋藪長清

大風

其七

締構邦基經綸國步戒盈辭滿鳴謙履素克壯其

猷

闕二字

歲暮凜

闕一字

奇節温温

闕二字

其闕二十四字

竭誠戴主

傾身奉國

其九

負山潛遠夢瓊興愴階裂下台星沈上將朝

悲野泣投環輟相晉原長往吳閭徒望

其十

三河聚騎五校

陳兵旌軒委鬱笳挽淒清沈沈

闕二字

寂寂

闕十

其十四字

峴首墳象

闕一字

山樹疑營柳人謠國頌天長地久

其十二

泰山玉牒文

嗣天子臣治敢昭告於昊天上帝有隋位極顛危天數窮
否生靈塗炭鼎祚淪亡高祖仗黃鉞而救黎元錫元珪而
拯沈溺太宗功宏鍊石定區宇於再麾業比斷鼇飲滄溟
而一息臣忝奉餘緒承威積慶遂得崑山寢燎炎海韜波
雖業茂宗祧寔降靈穹昊今謹告成東嶽歸功上元大寶
克隆鴻基永固凝薰萬姓陶化八紘

祭告孔子廟文

維乾封元年歲次景寅二月戊戌朔二日己亥皇帝遣司
稼正卿扶餘隆以少牢之奠致祭先聖孔宣父之靈惟神

玉鈞陳貺靈開四肘之源金鼎流禎慶傳三命之範神資
越誕授山岳以騰英天縱攸高蘊河海而標狀折衷六藝
宣創九流睿乃生知靈非外獎於是考三古褒一言刊典
謨定風什莊敬之容畢備鐘鼓之音載和父子爰親君臣
以穆蕩乎煥乎樂正雅頌各得其所可不謂至聖矣夫朕
以涼德嗣膺神器式崇祇配展義云亭感周禮之尚存悲
素王之獨往杼軸洙泗如挹清瀾留連舞雩似聞金奏昌
門曳練徒有生芻之疑漢曲移舟非復祥萍之實慨然不
已爰贈太師堂宇卑陋仍命修造褒聖子孫合門勿事庶

金定全唐文 卷十五
三
能不遺百代助損益之可知永鑑千年同比肩而爲友聿
陳菲奠用旌無朽梅曙霞梁松春月牖德音暢而無斲形
神忽其將久儻弗沫於生前亦知榮於身後尚饗

枇杷子帖

使至得所進枇杷子良深慰悅嘉果珍味獨冠時新但川
路旣遙無勞更送今者梅炎藻夏麥氣迎秋香飄蘭坂之
風鏡轉桂巖之月爲善之暇想足怡神延望白雲載深離
緒聊疏綠字此不多申諮

叔藝帖

叔藝韜多材慈深善誨藹夙奉趨庭之訓早擅臨池之工
聞其比來復愛飛白昨故戲操翰墨聊以示藹慚六文之
麗則異五際之芳詞忽枉來書談飾過實顧惟菲迹非敢
當仁披覽循環祇以增愧故斯表意餘不多云諮